

dum, itemque laudandi modum. Quoad prius, laudamus etiam homines adhuc viventes; 1. Propter Virtutes & piam vitam, quia Virtutem Gloria sequitur, & eandem alit atque excitat. Exemplo Christi laudantis Nathanaelem. *Job. 1.* Centurionem Capernaicum. *Matth. 8.* Peccatricem *Luc. 7.* 2. Propter facta gloriosa, quibus laudem consecuti. 3. Propter aliquod bonum, quod apud quempiam reperitur vel in Naturâ, vel Fortunâ. Quoad alterum: Bona Naturæ & Fortunæ Virtutibus postponenda, & hæ omnes pietati, *Psal. 101.* Quoad postremum, modus non excedendus ultra id, quod decet. In Laudando præsentium attendenda, 1. Persona, quæ laudatur. 2. Intentio laudantis. 3. Modus laudandi 4. Causa laudis, exemplo Christi *Job. 1, 47.* Angeli *Luc. 1.* Et Elisabethæ *v. 6.* Pietas & honestas omnia temperet.

IN LOCO
DE EVANGELIO.
THEOREMATA.

- I.** Evangelium dicitur quasi læta annunciatio *Rom. 10. v. 15. Psal. 68, v. 12.*
2. Quidam distinguunt inter *ἐπαγγελίαν*, quam vocant promissionem de Christo exhibendo, & *εὐαγγέλιον*, quod vocant nuncium de Christo exhibito. Sed discrimen istud non est perpetuum in sacris, ac non de ipsa re, quæ utrobiq; eadem est, sed de modo patefactionis accipiendum est.
3. Homonymia est, quod accipiat in sensu generaliori, non solum in scriptis Ethnicorum, sed & in sacris, (1.) Pro rei lætæ denunciatione, *Luc. 2, 10. c. 4, 18.* Aristophanes in Pluto, Plutarchus in Mario. (2.) pro præmio, quo ornatur rei lætioris nuncius. *2. Sam. 18, 22.* Homerus in Odyssea 9. v. 512. (3.) Pro precibus, quæ pro re lætâ decernuntur, *Rom. 15, 16.* Xenophon lib. 7. In sensu specialiori pro publico exhibiti Messie præconio, seu solenni in N. T. promulgatione, *Marc. 1, 1.* *Rom. 1. v. 1.* pro totâ Scriptura, quæ non solum doctrinam gratiæ, sed etiam Legis complectitur, *Marc. 1. v. 15.* *Matth. 28. v. 19.* pro gratuita peccatorum remissione, *Matth. 11, 5.* *Actor. 8, 12.* pro historia Evangelistarum, pro pericope Dominicali, & Antepenultima huius est loci.
4. Synonymia, est, quod dicatur (1.) quâ genus remotum, Verbum,